



0-TAXI
post@0-taxi.no

Dato: 14.01.2014
Dykkar ref.:
Vår ref.: 2014/320-6

Brevet er berre sendt som e-post

Spørsmål knytt til eventuell søknad om etablering av ny drosjesentral i Bergen

Me viser til Dykkar brev av 9. januar 2014 der det vert opplyst at 0-TAXI ynskjer å søkja om konsesjon til å driva drosjeformidling i Bergen køyreområde. I samband med dette ynskjer De opplyst kva informasjon fylkeskommunen treng for å behandla ein eventuell søknad.

Bergen køyreområde

Me vil først få orientera kort om Bergen køyreområde som omfattar kommunane, Bergen, Askøy, Fjell og Sund. Per i dag er det 5 sentralar og totalt 750 løyve. Ut frå dei behovsprøvingar som fylkeskommunen gjer årleg, er det ikkje trong for å auka løyvetalet. Ingen av sentralane kan ha tilslutta meir enn 60% av det totale løyvetalet.

I drosjereglementet for Bergen køyreområde av 01.12.09 (revidert 23.02.12), pkt. 6, heiter det at «Løyver som fylkeskommunen opprettar er frie, dvs. utan tilknytingsplikt til bestemt drosjesentral på det tidspunktet dei vert oppretta.» Løyvehavarar har rett til å slutta seg til den sentralen dei ynskjer, så sant det totale løyvetalet i sentralen ikkje overstig 60% av den totale løyvemassen. Den frie tilslutningsretten er eit viktig prinsipp både av omsyn til konkurransen og til løyvehavarane.

På bakgrunn av det som er nemnt, vil ein eventuell ny sentral i køyreområde ikkje få oppretta nye løyve, men må konkurrera om eksisterande løyvehavarar som i dag er knytt til andre sentralar.

Søknadsbehandling

Søknad om etablering av ny taxisentral i Bergen køyreområde vil måtta handsamast politisk. Som ledd i saksførebuinga vil ein senda søknaden på høyring til aktuelle kommunar, taxisentralar og bransjeorganisasjonar i køyreområdet.

Før ein set denne prosessen i gang må fylkeskommunen få ei nærare utgreiing om 0-TAXI si driftsmodell og organisasjon, samt korleis sentralen tenkjer å rekruttera løyvehavarar. Vidare ynskjer fylkeskommunen informasjon om eigarstruktur og korleis tilslutta løyvehavarar vert representerte og har påverknad på drifta i sentralen. Me vil óg ha tilsendt vedteker for sentralen, samt årsrekneskap for 2012.

Rolf Rosenlund
Leiar

Anne Vedvik
Rådgevar

Brevet er godkjent elektronisk og har derfor inga underskrift.